

ACTA DA SESIÓN EXTRAORDINARIA DA COMISIÓN INFORMATIVA DE INFRAESTRUTURAS VIARIAS E MOBILIDADE DO 6 DE SETEMBRO DE 2022.

PRESIDENTE: DON XOSÉ CESÁREO MOSQUERA LORENZO

SUPLENTE: DONA IRIA LAMAS SALGUEIRO, substituíndo a Don Gregorio Agís Gómez.

VOGAIS:

DONA ANA MARÍA MEJÍAS SACALUGA
DON SANTOS HÉCTOR RODRÍGUEZ DÍAZ
DON GORKA GÓMEZ DÍAZ
DON CARLOS LÓPEZ FONT
DON MANUEL GONZÁLEZ MARTÍNEZ
DONA ANA LAURA IGLESIAS GONZÁLEZ
DONA OLGA MARÍA GARCÍA BALLESTEROS
DON MANUEL ALEJANDRO LORENZO ALONSO
DON JORGE CUBELA LÓPEZ
DON JOSÉ ALFONSO MARNOTES GONZÁLEZ
DONA MARÍA PAZ LAGO MARTÍNEZ
DON ÁNGEL MANUEL RODAL ALMUÍÑA substituíndo a Don Ignacio Maril Pardo
DON JOSÉ CARLOS LÓPEZ CAMPOS
DON JAVIER TOURÍS ROMERO
DONA MARÍA ORTEGA IÑARREA substituíndo a Don Uxío Benítez Fernández.

Sendo as doce horas e catorce minutos do día 6 de setembro de 2022, reúnese a Comisión Informativa de Infraestruturas Viarias e Mobilidade.

Preside a sesión Xosé Cesáreo Mosquera Lorenzo e asisten as deputadas/os que se relacionan á marxe.

Actúa como secretario, o secretario xeral da Deputación Provincial de Pontevedra, Carlos Cuadrado Romay.

Aberta a sesión pola Presidencia, adoptáronse os seguintes acordos:

1.-Aprobación da acta da sesión anterior (22 de xullo de 2022).

A Comisión acorda por unanimidade aprobar a acta da sesión de 22 de xullo de 2022.

2.-Aprobación do cambio de titularidade e posterior entrega ao Concello de Meaño do treito antigo no Lugar de Cobas da estrada provincial EP 9306 Cobas – Padrenda. (Expediente 2020024976).

Antecedentes:

O Concello de Meaño e a Deputación de Pontevedra asinaron o 30 de novembro de 2020 un Convenio de colaboración para a execución do proxecto de mellora da seguranza viaria na E.P. 9306 Cobas - Padrenda, pq. 0+000 a pq. 0+820. O dito convenio foi aprobado polo Pleno do Concello en sesión de 15 de xuño de 2020 e pola Xunta de Goberno da Deputación en sesión de 16 de novembro de 2020.



Conforme a súa cláusula quinta 5) o convenio ten o carácter de solicitude de inicio do procedemento de transferencia ao Concello dun treito antigo de 111 metros da estrada E.P. 9306 obxecto das obras proxectadas

O 28 de xullo de 2022 o xefe dos Servizos Técnicos de Infraestruturas e Vías Provinciais informou favorablemente o cambio de titularidade do treito antigo de 111 metros, no lugar de Cobas, da estrada provincial E.P. 9306 Cobas – Padrenda, a prol do Concello de Meaño.

Consideracións:

1ª Lexislación aplicable.

Lei 8/2013, do 28 de xuño, de estradas de Galicia (LEG).

Decreto 66/2016, de 26 de maio, polo que se aproba o Regulamento xeral de estradas de Galicia (RXEG).

Lei 7/1985, de 2 de abril, de bases de réxime local (LBRL).

Lei 5/1997, de 22 de xullo, reguladora da Administración local de Galicia (LALGA).

Regulamento de organización, funcionamento e réxime xurídico das entidades locais, aprobado polo Real Decreto 2568/1986, de 28 de novembro (ROF).

Real Decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional.

2ª Motivación.

O 28 de xullo de 2022 3 de marzo de 2021 o xefe dos Servizos Técnicos de Infraestruturas e Vías Provinciais, informou favorablemente o cambio de titularidade a favor do Concello e estimou o valor patrimonial da vías obxecto da presente proposta de cambio de titularidade en 196.408,00€.

No informe emitido motivase o cambio de titularidade dando cumprimento ao establecido nos artigos 9.5, in fine da LEG e derradeiro parágrafo do artigo 18.2 do RXEG. Así, sinalase que “O treito antigo da estrada provincial E.P. 9306 Cobas – Padrenda, situado no lugar de Cobas, ao inicio de esta estrada e que ten conexión coa E.P. 9302 Xil – Cobas – Barrantes no seu PQ 2+520, é froito dunha mellora no trazado polo que deixou de ter a funcionalidade de viario principal, tendo na actualidade características funcionais e de utilidade que son asimilables ao viario municipal, servindo principalmente de acceso aos predios e vivendas lindeiras tendo a consideración de



elemento funcional en virtude da letra c) do apartado 2 do artigo 6 da Lei 8/2013, de 28 de xuño, de estradas de Galicia”.

3ª Administración competente para a aprobación do cambio de titularidade e procedemento.

Trátase da modificación na titularidade dun treito antigo dunha lonxitude de 111 metros de lonxitude, mantendo a cualificación de dominio público.

O artigo 9.4 da LEG e o 18. 1 do RXEG establece que os cambios de titularidade de estradas ou treitos delas, cando non se trate de travesías urbanas ou treitos incluídos no inventario de travesías da súa administración titular, deberán ser aprobados por Decreto da Xunta de Galicia, logo do acordo das administracións afectadas.

De acordo co artigo 9. 6 da LEG 18.3 do RXEG os decretos polos que se aproben os cambios de titularidade publicaranse no Diario Oficial de Galicia (DOG) e serán efectivos dende o día seguinte ao da súa publicación.

A formalización realizarase mediante acta de entrega subscriba polas administracións interesadas (art. 18.6 RXEG). De selo o caso de que no prazo de tres meses dende a publicación do decreto de aprobación do cambio de titularidade, non se asinase a acta de entrega polas administracións cedente e cesionaria, abondará con que a primeira a asine unilateralmente, facendo constar o ofrecemento formal, para entender formalizada a cesión para os efectos derivados da mesma (art. 18.7 RXEG). As actas de entrega publicaranse no DOG e no Boletín Oficial da Provincia (BOP), para os efectos do seu coñecemento por terceiros.

Os artigos - art.33. 2. ñ) en relación ao 47.2 ñ) da LBRL e 107 1.k) en relación ao 215 2.m) da LALGA- establecen que lle corresponden ao Pleno da Deputación as atribucións que esixan para a súa aprobación unha maioría especial. De acordo co artigo 47.2 ñ) da LBRL e 215 2. m) da LALGA precísase quórum de maioría absoluta do número legal de membros das corporacións locais para a adopción de acordos de cesión gratuíta de bens das entidades locais.

Conforme ao disposto nos artigos 3.3.a) e 4. 1.b 5º do Real Decreto 128/2018, de 16 de marzo, polo se regula o réxime xurídico dos funcionarios de Administración Local con habilitación de carácter nacional, son preceptivos os informes da Secretaría e da Intervención.

Polo indicado, propónse ao Pleno da Corporación a adopción do seguinte acordo:

Primeiro.- Aprobar o cambio de titularidade a favor do Concello de Meaño dun treito antigo de 111 metros da Estrada provincial E.P. 9306 Cobas – Padrenda, situado no lugar de Cobas.



Dito viario incorporárase á relación de estradas de titularidade do Concello de Meaño tal e como sinala o artigo 10.6 da Lei 8/2013, de estradas de Galicia.

Segundo.- Trasladar o expediente á Xunta de Galicia para a súa tramitación segundo o disposto nos artigos 9 da Lei 8/2013, do 28 de xuño, de estradas de Galicia e 18 e seguintes do Decreto 66/2016, de 26 de maio, polo que se aproba o regulamento xeral de estradas de Galicia.

Terceiro.- Facultar á presidenta da Deputación de Pontevedra para a sinatura da acta de entrega entre o Concello e a Deputación.

O informe-proposta é ditaminado favorablemente por unanimidade.

3.- Rogos e preguntas.

Non se formulan.

Non habendo máis asuntos o presidente levanta a sesión sendo as doce horas e dezasete minutos do que eu, secretario, dou fe.

Documento datado e asinado dixitalmente á marxe.

